

大藏一覽

九

漢書門			
類	號	函	架
一	〇	〇	一
二	〇	〇	一
三	〇	〇	一

內閣文庫			
類	號	冊	函
一	〇	〇	一
二	〇	〇	一
三	〇	〇	一

內閣文庫			
番號	漢	10016	
冊數	11	(10)	
函號	311	8	






大藏一覽集卷第九



寧德優婆塞陳

實謹編

第八門〇四十九年苦口末後一笑收功凡九



品因緣三百凡九

教相品第五十二 持誦品第五十三

唐梵品第五十四

教相品第五十二

世尊七日作思惟 大梵三勤而請說

釋迦譜云如來菩提樹下成等正覺於七日
中思惟我所得法甚深微妙唯佛與佛乃能
知之一切衆生愚癡邪見無有智慧云何能
解我所得法我今若為轉法輪者彼必迷惑
不能信受而生誅謗當墮惡道我寧默然入
般涅槃尔時大梵天主禮足圍繞白言世尊
又住生死捨於國城妻子頭目髓腦為求法
故今日法海已滿法幢已立開導正時云何

涅槃三請說法

彩字
函

惣十二部修多羅 別分三藏經律論

涅槃云佛說十二部經謂修多羅祇夜受記
伽阼優阼那尼阼那阿波阼那伊帝目多伽
闍阼伽毘佛略阿浮阼達磨優波提舍何等
名修多羅經從如是我聞至歡喜奉行何等
名祇夜經如佛為衆說契經竟復有衆生後
至佛因本經以偈頌曰何等名受記經如來

說時爲諸天人受佛記勅何等名伽阢經除
修多羅及諸戒律其餘有說四句之偈謂諸
惡莫作衆善奉行自淨其意是諸佛教何等
名優阢那經佛從定起無問自說何等名尼
阢那經知其本末因緣而說偈言何等名阿
波阢那經如戒律中所說譬喻何等名伊帝
目多伽經如佛所說名曰戒經何等名闍阢
伽經說佛因地修諸苦行何等名毘佛略經

大乘方等其義廣大何等名未曾有經說佛
初生能行七步至入天廟令像起禮何等名

優波提舍經分別廣說辯其相貌

一字函
第卷三

阿毘曇論問修多羅毘尼阿毘曇三藏有何
羌別答曰或有說者無有羌別所以者何皆
從一智海說故復有說者亦有羌別爲分別
心名修多羅爲分別戒名拘毘尼爲分別慧
名阿毘曇復次爲初入法名修多羅已入法

中為受持戒名曰毘尼已受戒者為令正解
名阿毘曇 問曰迦旃延尊者以何因緣造
作此經答曰饒益他故若是受持通利憶念
所有煩惱及諸惡作不現在前以此勤修能
入法相譬如有人欲饒益他於黑闇中然大
燈明為有目者見種種色尊者亦亦佛亦如
是為饒益他說十二部經所以者何若眾
生雖有內因無外緣者終不能修勝進之行

若遇外緣則能修行譬如闇室有種種物若
無燈照終不可見有燈則見眾生亦然雖有
內因若無外緣終不能修勝進之行若遇外
緣則能修習佛即說偈曰

譬如闇室中 雖有種種物 若無燈明照
有目不能見 若人雖有智 不從他聞法

是人終不能

分別善惡義

京字函
第一卷

藏師初判作五乘

長者復分為十教

合論云唐藏法師立五乘教一小乘教聲聞
緣覺之學二大乘始教三終教始終二教並
隨地位漸次修成俱為漸教四頓教但一念
不生即名為佛不從地位漸次而說五圓教
真俗互融具足圓滿一即一切一切即一無
礙法門 長者立十教 第一時說小乘有
教者為諸凡夫繫著世法以為實有隨於色
塵作諸不善以不善故墮於惡趣還將有法

響動彼心以戒防護制諸不善故名有教第
二時說般若破有明空教者既說小乘實有
戒其身口意業令住善法方說以空破彼繫
著漸向法身第三時說解深密經為和會空
有教者令彼空有不滯一邊為不空不有教
以二乘人滅識證寂住寂無知為回彼故寄
說阿阼那識為第九純淨識如五六七八等
識常依九識以為依止凡愚不了妄執為我

如水瀑流不離水體諸波浪等以水為依五
六七八識常以淨識為依何故安立九識為
淨識者為二乘人又在生死業種六七八識
有怖畏故恐彼難信方便於生死種外別立
淨識使令悲智漸漸得生達識成智第四時
說楞伽經明假即真教者直為大乘根堪之
者頗說第八業種之識名為如來藏識明與
無明其性不二此教雖說無明業種成智猶

希出俗未現同酈也第五時說維摩經即俗
恒真教者破前四種教中聲聞菩薩染淨未
融常忻出俗即以淨名俗士明即俗常真使
三乘眾淨相心亡出俗入酈平等無礙方明
實德也第六時說法華經引權歸實教者為
羅漢隨空會寂緣覺會十二緣生法皆無體
性如是二人皆心識滅三界業滅智慈不生
又有析法明空以空破惑樂生淨土及留惑

潤生菩薩並不了一切衆生無明諸惑皆從
一切如來根本智性之所生所以見有淨土
穢土自佛他佛若忻若厭不稱真理引此三
根令歸本智故第七說涅槃經時令諸三乘
捨權向實教者以前三乘慢不信故不得成
佛此明一切有情皆有佛性與佛無異捨權
就實相盡見性之門第八說華嚴經時於刹
那際通攝三世圓融教者性智本無時故法

界體無礙故如圓珠無方如明鏡頓照該括
始終一際圓滿無成無壞無出無沒常轉法
輪第九共不共教者說大乘經人天三乘雖
是同聞得益各別如聲聞在華嚴會上若盲
若聾是名共不共教第十不共共教者華嚴
經中十方雲集諸來菩薩方來雖異共會說
法是名不共共教 如是辨明教相羌殊使
始學之流知其權實也

但原觀色之一法 隨機立教有多般
宗鏡云故知立教皆爲對機機宜不同教分
多種且如觀色一法五教證入不同 初小
乘見是實色不說性空 初教見此色法從
緣所成必無自性即空無所有如波歸水
終教見色空無礙以真空不守自性隨緣成
色即是幻色虛相無體是故色即空而常泯
空即色而常存要由自盡之色方是空色成

色之空乃是真空舉體互融無有障礙如水
入波 頓教一色法無非真理所收是故此
色即真理一味更無別法而可顯說水波雙
絕 圓教起即全收一多互攝同時成立一
塊圓明隨舉即色隨舉即空義味自在隨智
取用何以故隨舉一門無不顯現古德云皆

本一心而貫諸法

車字函
第七卷

醫王用藥分三品 如來逗教亦復然

又云譬如上醫以非藥為藥中醫以藥為藥
下醫藥成非藥且非藥為藥者如云無有一
物不是平藥攬草皆成如行非道而通佛道
即煩惱而成菩提以藥為藥者即應病與藥
隨手痊愈附子治風橘皮消氣之類如觀根
授法思覺多者修數息觀媼欲多者修不淨
觀之類藥為非藥者不識病源又增其疾如
說法者不逗其機則醍醐上味為世珍奇遇

斯等人翻成毒藥

富字函
第三卷

因其中道以辭遙 遂設化城令暫息

法華經云佛告比丘當知如來方便深入眾
生之性知其志樂小法深著五欲為是等故
說於涅槃是人若聞則便信受譬如五百由
旬險惡之處有一導師善知險道通塞之相
將導眾人欲過此難至珍寶處所將人眾中
道懈退白導師言我等疲極前路猶遠今欲

退還導師愍彼捨大珍寶以方便力於險道
中化作一城告衆人言汝莫退還今此大城
可於中止是時疲極之衆心大歡喜前入化
城生安穩想尔時導師知此人衆既得止息
無復疲倦而滅化城語衆人言寶所在近向
者大城我所化作為止息耳如來導師亦復
如是知諸生死惡道懸遠若諸衆生聞一乘
者便作是念佛道長遠久受勤苦乃可得成

佛知怯劣以方便力而於中道為止息故說
二涅槃若衆生住於二地如來即便爲說汝
等所作未辨汝所住地近於佛慧應當籌量
所得涅槃未真實也但是如來方便之力於
一佛乘方便說三

竹字函
第三卷

要集云昔一聚

落去王城五由旬彼有美水王勅日日送水
村人疲苦悉欲逃移村主語之汝等莫去我
當爲汝白王改五由旬作三由旬使汝得近

往來不疲即往白王王為改之作三由旬衆
人間已便大歡喜世間之人修行正法度於
五道向涅槃城心生疲倦便欲捨離如來法
王有大方便於一乘法分別說三小乘之人
聞之歡喜以為易行進德求度如彼村人亦
復如是

據字函
第二卷

說諸法相分三種 依他遍計與圓成

瑜伽論云如來說諸法相略有三種一者遍

計所執相謂一切法名假安立自性差別乃
至為令隨起言說二者依他起相謂一切法
緣生自性則此有故彼有此生故彼生謂無
明緣行乃至招集純大苦蘊三者諸法圓成
相謂一切法平等真如漸漸修集乃至菩提
方證圓滿如眩翳人眼有翳病遍計執相當
知亦亦如眩翳人青黃等相差別現前依他
起相當知亦亦如淨眼人離眩翳患本性所

行無亂境界圓成實相當知亦亦

錄字函
第六卷

語默視瞬皆為說 見聞知覺豈非聽

宗鏡云語默動靜無非佛事如雲臺寶網盡
演妙音毛孔光明皆能說法香積世界飡香
飯而三昧顯極樂國土聽風柯而正念成絲
竹可以傳心目擊以之存道既語默視瞬皆
說則聞見覺知盡聽苟能得法契神何必要
因言說如琴中傳意於秦王脫荆軻之手相

如調文君之女終獲隨車帝釋有法樂之臣
馬鳴有和羅之技皆絲竹傳心也目擊道存
者莊子云夫子欲見溫伯雪子久而不見及
見寂無一言及出子路恠而問曰夫子欲見
溫伯雪子久矣何以寂無一言子曰若斯人
者目擊而道存亦不可以容聲者矣若雲臺
若寶網若毛孔若光明皆能說法者華嚴經

中可見

富字函
第四卷

善哉若有聞法人 由斯無一不成佛

宗鏡舉法華經偈云若有聞法者無一不成

佛昔泥蛤聞法而生天故事見十善品 既象聽經而

後惡故事見雜緣品 比丘信受而獲果女人思惟而

悟空故事見禪定品 ○ 富字函 第六卷

或因惡境接眾生 譬若蓮花開烈日

大乘論云有時菩薩正居王位或現種種逼

惱眾生是以安立於戒律中 釋曰眾生有

二種或宜歡喜教化譬如拍物頭花因涼月

開敷或宜逼惱教化譬如蓮花因烈日開敷

菩薩亦尔如那羅王及善財童子或現可愛

事或現可畏事安立眾生於善處與字函第四卷

然佛從來平等法 接物何嘗貴賤分

大莊嚴論云佛難波斯匿王分別出家貴賤

我不以為貴選擇王賢等亦度下賤優波離

等我不齊為大富長者須達多等亦度貧賤

須顛多等我不齊為大智舍利弗亦為鈍根
周離槃特等我不齊為少欲知足摩訶迦葉
亦為多欲婆難陀等我不齊為耆舊宿德優
樓頻螺迦葉亦為幼稚須陀耶等我不齊為
憍慢婆迦賴等亦為極惡鴛拙摩羅我不齊
為多智男子而為說法亦為淺智女人而為
說法佛告波斯匿王若娶婦嫁女應擇種姓
此佛法中唯觀宿世善惡因緣不擇種姓唯

觀信施不觀珍寶索戒清淨不索家門清淨
偈曰

佛法無偏黨 平等示正道 為一劫眾生

作安穩正路 譬如大市中 示買一劫物

我法市亦介 不擇其種姓

君字函
第七卷

豈是文殊不知者 俯為眾生故問之

涅槃經云佛告文殊譬如輪寶上下回轉如
來說法亦復如是能令下趣諸惡眾生上生

人天乃至佛道是故汝今不應讚言如來於
此更轉法輪文殊白佛我於此義非為不知
所以問者為欲利益諸衆生故

一字函
第三卷

若受如來所說法 甘投火聚願求聞

華嚴經云菩薩勤求佛法所有珍財皆無惜
惜不見有物難得可重但於能說佛法之人
生難遭想是故菩薩於內外財為求佛法悉
能捨施無有恭敬而不能行無有憍慢而不

能捨無有承事而不能作無有勤苦而不能
受若聞一句未會聞法生大歡喜勝得轉輪
王位若得一偈未曾聞法能淨菩薩行勝得
帝釋梵王位住無量劫若有人言我有一句
佛所說法能淨菩薩行汝今若能入大火坑
受極大苦當以相與菩薩亦時作如是念我
以一句佛所說法淨菩薩行故假使三千大
千世界大火滿中尚欲從於梵天之上投身

而下况小火坑而不能入然我今者為求佛法應受一切地獄衆苦何况人中諸小苦惱菩薩如是求於佛法如其所聞觀察修行非但口言而可清淨愛字函第五卷聽法之人不宗敬如斯之輩莫與談菩薩戒經人在高處已身處下不應說法除為病患心不信者不應為說不厭生死者不應為說人在已前人覆頭者求過失者不應

為說何以故諸佛菩薩恭敬法故若說法者尊重於法聽法之人亦生宗敬至心聽受不生輕慢是名清淨說賢字函第三卷

按教明心指標月 由文見義色因燈

圓覺經云修多羅教如標月指若復見月了知所標畢竟非月一切如來種種言說開示菩薩亦復如是 楞伽經云佛告大慧善於語義知語與義不一不異義之與語亦復如

是若^言異語則不應因語而顯於義而因語見義如燈照色大慧譬如有人持燈照物知物如是在如是處菩薩亦亦因語言燈入離言說自證境界

四字函
第四卷

燈雖顯色見由眼 眼非見性乃由心

楞嚴經云佛告阿難諸盲無眼唯觀黑暗與有眼人處於暗室二黑有別為無有別如是世尊此暗中人與彼羣盲二黑校量曾無有

異阿難若無眼人全見前黑忽得眼光還於前塵見種種色名眼見者彼暗中人全見前黑忽獲燈光亦於前塵見種種色應名燈見若燈見者燈能有見又則燈觀何閑汝事是故當知燈能顯色如是見者是眼非燈眼能顯色如是見性是心非眼

深字函
第一卷

依趣於義不依文 依趣於智不依識

寶積經云菩薩修行般若波羅密多故於四

依趣善能具足所謂依趣於義不依趣文依
趣於智不依趣識依趣於了義經不依趣不
了義經依趣於法不依趣數取趣者云何名
爲依趣於義不依文所言文者謂世間法傳
習文詞所言義者謂通達出世間法乃至如
來所演八萬四千法藏聲教皆名爲文詞離
一劫言音文字理不可說是名爲義云何依
趣於智不依趣識謂善巧了知諸有言教數

取趣義是名爲識此不應依諸有言教如法
性義即是於智此應依趣云何不依趣不了
義經依趣了義經若諸經中說世俗諦名不
了義說勝義諦名爲了義乃至經中所說厭
背生死欣樂涅槃名不了義若有宣說生死
涅槃二無差別是名了義云何依趣於法不
依趣數取者若有依止數取之見諸所緣法
如是之相名數取者如來依世俗諦爲衆生

說若有衆生於此言教起於執著如是等類
不應依趣何以故如來欲令於彼正依趣故
說如是法汝等依趣諸法實性無宜依趣彼
數取者何等是爲諸法實性謂無有變異無
有增益無作無不作不住無根本如是之相

是名法性

官字函
第二卷

攝心歸一魔無便 如龜藏六狗難傷

宗鏡舉禪門中云不怕念起唯慮覺遲又云

瞥起是病不續是藥是以初心攝念爲先是
入道之階漸昔佛在世有一道人在河邊樹
下學道十二年中貪想不除目色耳聲身靜
意遊曾無寧息十二年中不能得道佛知可
度化作沙門往至其所樹下共宿須臾月明
有龜從河中出來至樹下復有水狗飢行求
食與龜相逢便欲噉龜龜縮頭尾及其四腳
藏於甲中不能得噉水狗小遠復出頭足行

步如故不能柰何遂乃得脫於是道人問化
沙門此龜有護命之鎧水狗不能得其便化
沙門荅言吾念世人不如此龜不知無常放
恣六情外魔得便即說偈言 藏六如龜防
意如城慧與魔戰勝則無患 車字函 第八卷

四相人我壽衆生 四病作止并任滅 附理

障事

金剛經云若菩薩有我相人相衆生相壽者

相即非菩薩助深記注云我相謂於自身不
計爲我故人相不計我轉趣餘趣爲人故衆
生相不計我盛衰苦樂爲衆生故壽者相不
計我一報命根不斷爲壽者故今菩薩既亡
四相已達身空即除我執 又有注云無我
者則無色受想行識之見也無人者了四大
不實終歸地水火風也無衆生者則無生滅
心也無壽者者則我身本空寧有壽者四相

既空法眼明矣 圓覺經云彼善知識所
證妙法應離四病一者作病有作是言我於
本心作種種行欲求圓覺彼圓覺性非作得
故說名為病二者任病有作是言我等今者
不斷生死不求涅槃涅槃生死無起滅念任
彼一切隨諸法性欲求圓覺彼圓覺性非任
有故說名為病三者止病有作是言我今自
心永息諸念得一切性寂然平等欲求圓覺

彼圓覺性非止合故說名為病四者滅病有
作是言我今永斷一切煩惱身心畢竟空無
所有何況根塵虛妄境界一切永寂欲求圓
覺彼圓覺性非寂相故說名為病悉當離之
又云理事二障一者理障礙正知見二者
事障續諸生死若捨貪欲先除事障未斷理
障但能悟入聲聞緣覺未能顯住菩薩境界
欲汎如來大圓覺海先當發願勤斷二障二

障已伏即能悟入菩薩境界若二障已永斷
滅即入如來微妙圓覺

有為無為善巧修 有餘無餘涅槃界

般若經云菩薩於一切法遍攝有為無為應
修善巧云何名有為謂妙善身語意行是名
有為云何無為即以如是妙善身語意行回
向於善伐若此云一是名無為又復有為即
是積集五到彼岸謂布施持戒忍辱精進靜

慮是名有為若由般若波羅蜜多無為智故
則五到彼岸如此妙智及以回向一切智智
是名無為善巧官字函 第三卷 增一阿含經云佛

告比丘有二涅槃有餘涅槃界無餘涅槃界
於是滅五下分結不還此世是謂有餘涅槃
界盡有漏成無漏意解脫智慧解脫而自遊
戲生死已盡梵行已立所作已辦不復受有
如實知之是謂無餘涅槃界闌字函 第七卷 宗鏡

舉思益經云諸佛出世不為令衆生出生死

入涅槃但是度生死涅槃之二見

富字函
第六卷

善財能發菩提心 彌勒稱揚佛種子

華嚴經云彌勒菩薩指善財童子告大衆言
此長者子曩於福城受文殊教展轉經由諸
善知識已然後來至我所發心救護一切衆
生為四流漂汨者造大法船為被見泥沒溺
者立大法橋為被癡暗昏迷者然大智燈為

行生死曠野者開示聖道嬰煩惱重病者
調和法藥為遭生老死苦者飲以甘露為入
貪恚癡火者沃以定水近惡友者示其善友
樂凡法者誨以聖法著生死者令趣智城此
長者子恒以此行救護衆生發菩提心未嘗
休息善男子餘諸菩薩經無量劫乃能滿足
菩薩願行乃能親近諸佛菩提此長者子於
一生內具足成就善男子菩提心者猶如種

子能生一切諸佛法故菩提心者猶如良田
能長衆生白淨法故菩提心者猶如大地能
持一切諸世間故菩提心者猶如淨水能洗
一切煩惱垢故菩提心者猶如大風普於世
間無所礙故菩提心者猶如盛火能燒一切
諸見薪故菩提心者猶如帝王一切願中得
自在故菩提心者猶如虛空諸妙功德廣無
邊故菩提心者猶如蓮花不染一切世間法

故菩提心者如如意珠周給諸貧乏故菩提
心者如功德瓶滿足一切衆生心故菩提心
者如那羅延能摧一切我見敵故菩提心者
如勇將幢能伏一切諸魔軍故菩提心者猶
如涌泉生智慧水無窮盡故菩提心者則為
所歸不拒一切來者故菩提心者則為義利
能除一切衰惱事故菩提心者則為妙寶能
令一切心歡喜故菩提心者如大施會充滿

一切衆生心故菩提心者如佛支提一切世
間應供養故善男子菩提心者成就如是無
量功德舉要言之三世如來從菩提心而出
生故善男子如人學射先安其足後習其法
菩薩摩訶薩亦復如是先當安住菩提之心
然後修行一切佛法善男子如人護身先護
命根菩薩摩訶薩護持佛法亦當先護菩提
之心善男子譬如有人命根若斷不能利益

父母宗親菩薩摩訶薩捨菩提心不能利益
一切衆生不能成就諸佛功德善男子譬如
王子雖於臣佐之中未得自在已具王相不
與一切諸臣佐等以生處尊勝故菩薩摩訶
薩雖於一切業煩惱中未得自在然已具足
菩提之相不與一切二乘齊等以種性第一
故善男子譬如金剛雖破不全一切衆寶猶
不能及菩提心金剛雖復志劣少有虧損猶

勝一切二乘功德善男子譬如金剛非凡人
之所得菩提心金剛非劣意眾生之所能得
善男子譬如金剛不識寶人不知其能不得
其用菩提心金剛不知法人不了其能不得
其用善男子譬如金剛餘不能持唯金剛之
所能持菩提之心聲聞緣覺皆不能持唯趣
薩婆若者善男子若有眾生發阿耨多羅三
藐三菩提心者則獲如是勝功德法

目字函
第八卷

又善財參彌伽大士白言我已先發菩提
心而未知云何學菩薩行彌伽遽即下座於
善財前散花作禮讚言善哉能發菩提心者
則為不斷一切佛種則為成熟一切眾生乃
至則為一劫天龍禮敬如是讚已還昇本座
為善財說法

首字函
第三卷

法界觀通大千卷

六相義圓無量門

法界觀云華嚴大教浩博難明杜順和尚文

殊應身以自智見華嚴一真法界惣該萬有

即是一心其中諸佛衆生若國土若莊嚴義

境無量於無量境集其義類惣舉色空理事

爲例東爲三重觀門一曰真空法界二曰理

事無礙三曰周徧含容若達此三門則法界

重重縱橫達矣第一真空觀理法界也原其實

今簡非虛妄念慮故云真也復開四句一

會色歸空以色等本是真如一心與生滅和會名阿賴耶識等變起根身器界

今推之都無其躰歸於二明空即色凡是真

異色真空既不異色亦不易一切法以上二

觀復開八門畢竟不出此理况不盡錄詳見

本三空色無礙謂色舉躰全是盡色之空則

盡空之色則空即色而空不隱也若色是實

色即礙於空空是斷空即礙於色今既色是

幻色故不礙空空四泯絕無寄所觀真空不

即色亦不可言即空不即空一切法皆

不可不可亦不可迥絕無寄非言所及

第二理事無礙觀觀能前雖談色是簡情

無礙泯絕無寄唯是真空觀門方爲真如一

之理至此理事無礙觀門始顯真如之用

理徧於事門

謂能徧之理性無分限所徧之事分位差別一事中理皆全

徧二事徧於理門

謂能徧之事是有分限此有分

之事於無分之理全同非分同如全一大海而在一波中而海非小如一小波匝於大海而

波非大同時全徧於諸波而海非一三依理成

事門

謂事無別躰要因真理而得成

四事能

顯理門

由事攬理則挺虛而理實以事虛故

躰露

五以理奪事門

事既攬理遂令事相皆

如水奪波

六事能隱理門

真理隨緣成諸事

波無不盡

七真理即事門

謂此真理舉躰

顯也如水成

八事法即理門

緣起事法必無自性無

靜而

九真理非事門

即事之理而非是事

即水動

十事法非理門

全理之事事恒

動濕異故以

如全水之波非水

以動義非濕故

非全理相性異故

第三周徧含容觀

事如理融攝

一理如事

門

事法既虛相無不盡

二事如理門

謂諸事

非異如一微塵亦如理性全在一切法中

三事合理門

法與理

謂諸事法與理非一有本一事而能廣容
如一微塵其相不大而能含攝無邊法界

通局無礙門謂諸事法與理非一處即全徧十

方一切塵內由非異即非一故全徧十方而

不動一位即遠即近即徧即往無障無礙

五廣陲無礙門謂事與理非一即非異故不

壞一塵而能廣容十方剎海

六徧容無礙門謂此一塵望於一切由溥徧

義即是廣容以鏡燈喻如四

方四維上下各安一鏡中安一燈即十鏡

互交如一鏡徧九鏡時即容九在一內也

攝入無礙門謂彼一切望於一法以入他故

即令彼一還復在自一切之內同時無礙如

九鏡入彼一鏡中時即攝彼一鏡還在能入

九鏡之內同時

八交涉無礙門謂一法望入

交互故云無礙

通有一攝一切一切一如東鏡為能攝

四句

一切攝一切一切一切一切一切一切一切

攝一切攝一切入一切入一切入一切入一切

攝一切攝一切入一切入一切入一切入一切

謂諸事法與理非一有本一事而能廣容

如一微塵其相不大而能含攝無邊法界

謂諸事法與理非一處即全徧十

方一切塵內由非異即非一故全徧十方而

不動一位即遠即近即徧即往無障無礙

謂事與理非一即非異故不

壞一塵而能廣容十方剎海

謂此一塵望於一切由溥徧

義即是廣容以鏡燈喻如四

方四維上下各安一鏡中安一燈即十鏡

互交如一鏡徧九鏡時即容九在一內也

謂彼一切望於一法以入他故

即令彼一還復在自一切之內同時無礙如

九鏡入彼一鏡中時即攝彼一鏡還在能入

九鏡之內同時

謂一法望入

交互故云無礙

通有一攝一切一切一如東鏡為能攝

四句

攝一切攝一切入一切入一切入一切入一切

攝一切攝一切入一切入一切入一切入一切

為所入此即釋迦攝攝一切入一餘八鏡帶
 文殊入普賢中也攝攝一切入一餘八鏡帶
 之將入西鏡中時即東鏡為能攝能入八鏡
 為所攝西鏡為所入也則一佛攝一切佛一
 切衆生帶之同攝一入一劫將入八鏡中也
 入一衆生中攝一入一劫將入八鏡中也
 攝一切入一劫此明諸法互相攝入一時圓
 蕩重重無盡也但入一燈當
 中之時即鏡鏡中一時各有多多之燈無先
 後也即諸佛菩薩六道衆生不有即已有則
 一刹那中便徹過現未十溥融無礙門謂一
 來十方一切凡聖中也
 一溥皆同時更互相望一一具前兩重四
 句圓明顯現稱行境界無障無礙深思之

長者合論歡喜地中六相義

此一字中有六相一劫字一劫法皆有此六
 相若善見者得智無礙惣持門於諸法不滯

首惣
 可劫

有無斷常等障可以離情照之可
 見此六字義闕一即理智不圓是
 初歡喜地中觀通世間一劫法門

故此六字有三對法一惣別一對二同異一
 對三成壞一對惣不相離不可廢一留一亦
 不可雙立雙捨惣是斷常生滅今以人類之

餘可准知 謂如一劫衆生名為揔相愚智
區分名為別相皆同佛智名為同相隨報業
異名為異相作業受報名為成相心無所依
名為壞相 又如人身具足名為揔相手足
眼耳名為別相一空無體名為同相應用有
殊名為異相共成一身名為成相無體無相
名為壞相 五十七卷 又宗鏡云譬如一舍是揔
相椽等是別相椽等諸緣和同作舍故名同

相椽等相望一一不同故名異相椽等相成
故名成相椽等自法本不作故故名壞相 駕字

函第
六卷

但了人空與法空 便達此岸為彼岸

金剛經頌人法俱名執了即二無為菩薩能
齊證聲聞離一非所知煩惱盡空中無所依
常能作此觀得聖定無疑 宗鏡云祖佛大
意唯說二空證會一心如世尊言一切法無

我云何一切法所謂心法云何二無我所謂
人無我法無我若一切衆生但得人法俱空
知一切法即心自性復更有何異法而敷演
乎駕字函第五卷阿含經云何此岸云何彼岸謂
此岸者身邪是彼岸者身邪滅是斯字函第六卷
又云佛告婆羅門邪見者非彼岸正見者是
彼岸川字函第八卷
當知實性非空有未偶斯文墮斷常

宗鏡云真實之性非一非異非有非空此宗
鏡奧旨自在圓融謂欲一則一欲異則異欲
存即存欲泯便泯異不礙一泯不礙存方為
自在常一常異常存常泯名為圓融又如弄
珠鈴之者其珠不住空中不落地不在手
裏既不在三處亦不住一處然不住空中即
喻不住空觀不落地即喻不住假觀不在
手裏即喻不住中觀既不住三亦不成一則

非一非三而三而一斯為妙矣未偶斯旨所

有見聞皆墮斷常

車字函
第八卷

若是真心無滯礙 宛同水性善炎涼

宗鏡云皆同一性所謂無性良以心境同一
性故是以真心不守自性舉體隨緣成諸萬
法性即體也以諸法唯心所現各無自體虛
假相依無決定性以無性故能隨異緣成立
一切若有定性猶如金石各有堅性不可令

易今此無性猶如於水遇冷成冰逢火便煖
故中論偈云集若有定性先來所不斷於今
云何斷道若有定性先來所不修於今云何
修故知若有定性一切諸法皆悉不成若無
定性一切皆成若眾生各各有性自體不移
則永作眾生無因成佛

修字函
第四卷

性空無而且不無 緣會有而終亦有

又云萬法從緣無自體耳體而無自故名性

空性之既空雖緣會而非有緣之既會雖性
空而不無是以緣會之有有而非有性空之
無無而不無何者會則性空故言非有空則
緣會故曰非無今言不有不無者非是離有
別有一無也亦非離無別有一有也如是則
明法非有無故以非有非無名耳不是非有
非無既非有無又非非有非非無也如是則
何獨言語道斷亦乃心行處滅也如是則名

體既空言思自絕可謂萬機泯跡獨朗真心
矣 真諦性空之理空而不空俗諦幻有之
事有而不有不有之有有不礙空不空之空
空不絕有彼此無寄迤互相成若心內定一
法是有即墮常若心外執一法是無即沈斷
俱成見網不入圓宗

後字函
第二卷

心滅諸法以皆滅 心生萬境以從生

又云問若心滅者云何相續若相續者云何

言滅蒼實然令言滅者但心相滅非心體滅
如水因風而有動相以風滅故動相即滅非
水體滅既水體不滅所以動相相續釋曰種
種心境皆由無明薰習力起然依因緣因
是不覺緣是妄境者只謂不覺自心妄生外
境故知境無自性從心而生和合而起故云
心生即法生因滅則緣滅矣以水體不滅動
相相續者此况真心自體非動非止因無明

風起生死動搖若妄風息時心之動相即滅
非心體滅以心體是所依萬法是能依若無
所依能依非有故知一心之體為羣有之依
猶如太虛作萬象之體

車字函
第三卷

又舉昔東

國元曉義相二法師同來唐國尋師遇夜宿
荒止於塚內元曉法師因渴思漿見一泓水
掬飲甚美及至天明觀是死尸之汁心惡吐
之豁然大悟乃曰我聞佛言三界唯心萬法

唯識故知美惡在我實非水乎

侈字函
卷一卷

凡一切法皆佛法 揔萬行門一心門

問如何是一切法皆是佛法答一切法唯心
心即是佛心即是法如學人問忠國師經云
一切法皆是佛法殺害還是佛法不答一切
施為皆是佛智之用如人用火香臭不嫌亦
如其水淨穢非汙以表佛智也是知火無分
別蘭艾俱焚水同上德方圓任器所以文殊

執劔於瞿曇鴛拙持刀於釋氏豈非佛事乎
若心外見法而生分別直饒廣作勝妙之事

亦非究竟

侈字函
第三卷

夫一心者萬事之揔也

分而為戒定慧開而為六度散而為萬行萬
行未嘗非一心一心未嘗違萬行

車字函
第七卷

問法門無量何故偏讚一心答此是起惑之
初發真之始故經云心作天堂心作地獄但
了一心萬法皆寂如解脫長者告善財言我

若欲見安樂世界阿彌陀如來隨意即見我
若欲見梅檀世界金剛光明如來乃至十方
如來悉皆即見然彼如來不來至此我身亦
不往詣於彼知一切佛及與我心悉皆如夢
知一切佛猶如影像自心如水知一切佛所
有色相及以自心悉皆如幻知一切佛及以
已心悉皆如響我如是知如是憶念所見諸
佛皆由自心善男子當知菩薩修諸佛法乃

至成佛悉由自心

駕字函
第二卷

了知法法皆平等

自然物物非短長

又云以齊而齊不齊者未齊矣以齊而齊於
齊者未齊焉余聞善齊天下者以不齊而齊
天下者何須夷嶽實淵然後方平續鳧截
鶴於焉始等故知但了法法皆如自然平等
則青松綠蕙不見短長鵬翥蛭飛自忘大小
如肇論舉經云諸法不異者豈曰續鳧截鶴

夷嶽盈壑然後無異哉誠以不異於異故雖異而不異耳乃至經云般若與諸法亦不一相亦不異相信矣莊子南華經云長者不爲有餘短者不爲不足故鳧脰雖短續之則憂鶴脰雖長斷之則悲故性長非所斷性短非所續以明境智雖異而同不待同而後同也若能如上了達同異二門或諸佛出世不出世衆生可度不可度乃至有無高下皆絕疑

矣

富字函
第三卷

無量劫時彈指頃 十方世界一毛中

問悟此心宗修行之人得圓滿普賢行不答一切理智無邊行願皆不出普賢一毛孔若質入華嚴境界乃至凡聖之身一一毛孔皆能圓滿普賢之行如海幢比丘入于三昧從其身分出十法界身雲又如善見比丘一念之中一切世界皆悉現前又如喜目觀察衆

生夜神一一毛孔出無量種變化身雲又如
普賢一身分一一毛孔悉有三千大千世
界風輪地水火輪江海山林村落城邑地獄
鬼畜色欲等界晝夜年劫諸佛出世菩薩衆
會如是等事悉皆明見如見此界十方世界
悉如是見如見現見十方世界前際後際十
方世界亦如是見各各差別不相雜亂如說
海幢身分之上善見一念之中普賢毛孔之

內盡十方法界虛空界所有一切凡聖境界
淨穢國土靡所不現無法不含如卷大海之
波瀾收歸一滴撮十方之刹土指在一塵

車字

函第
十卷

又云須彌納芥子而無增減亦不迫

迨此義難解有師言神力能爾有師言小無
小相大無大相故得入也今謂小具小大是
大是自性大小不得相入也如華嚴云一微
塵中大千經卷今觀衆生一念無明心即是

如來心若見此心則能以須彌入芥子無相妨也

玄珠有意定難求 罔象無心而乃得

又云法無動念不可以有念求又非無念不可以無心得應可玄會耳如赤水求於玄珠罔象而得之故云藏於身不藏於川在於心不在乎水故莊子云黃帝遊於赤水之北登崑崙之丘南望還歸遺其玄珠使智索之而

不得使窮婁索之而不得乃因罔象得之夫真不可以定求故無心以得之如弄珠吟云罔象無心却得珠能見能聞是虛偽然雖不落於見聞又且非無覺與知

車字函第七卷

又問

無心者為當離心是無心耶心得無心答即心得無心問即心是有心云何得無心答不壞心相而無分別問豈不辨知也答即辨知無能所是無心也豈渾無用始是無心譬如

明鏡照物豈有心耶當知一切衆生恒自無
心心體本來常寂寂而常用用而常寂隨境
鑒辨皆是實性自余非是有心方始用也駕字
函第又舉寶藏論云離者無身微者無心
五卷無身故大身無心故大心大心故則智周萬
物大身故則應備無窮是以執身為身者則
失其大應執心為心者則失其大智故千經
萬論莫不說離身心破彼執著乃入真實譬

如金師銷鑛取金方為器用若執有身者則
有身礙有身礙故則法身隱於形殼之中若
有心者則有心礙有心礙故則真智隱於念
慮之中故大道不通妙理沈隱六神內亂六
境外緣晝夜惶惶無有止息矣同上卷

求佛不可無念成 證道安可以功得
又舉永嘉云誰無念誰無生若實無生無不
生喚取機關木人問求佛施功早晚成若以

息念歸無念如同寒木死灰與木人何別豈
有成佛之期然無念者即念而無念以念無
自性緣起即空又緣起者皆是真性中緣起
豈獨有無乃至即生無生即滅無滅亦復如
是故寶藏論云若言其生無狀無形若言其
滅今古常靈又云是以斬首灰形其無以損
生金丹玉液其無以養生故真生不滅真滅
不生可謂常滅可謂常生其有愛生惡滅者

斯不悟常滅愛滅惡生者斯不悟常生華嚴
疏云生之無生真性湛然無生之生業果宛
然是知若即念存有念即是常見離生求無
生即是斷見皆不達實相無生無滅之理若
正了無生則無生無不生豈定執有生無生
二見乎 又云玄道者不可以設功得聖智
者不可以有心知真諦者不可以存我會至
功者不可以營事爲忘言者可以道合虛懷

者可以理通冥心者可以真一遺智者可以
聖同雖云道合無心於合合者合焉雖云聖
同不求於同同者同焉無心於合則無合無
散不求於同則無異無同超非於百非之外
非所不能非焉忘是於萬是之前是所不能
是焉是所不能是則無是矣非所不能非則
無非矣無異無同則怨親不二無非無是則
毀讚常一是以忘言者捨筌筌也虛懷者離

取著也冥心者不已見也遺智者泯能證也
若運心合道則背道若起念求同則失同若
為是所是則沒是若為非所非則沈非但得
直下無心則同異俱空是非咸泯斯泯亦泯
茲空亦空此猶寄言因跡對待若得絕待頓
悟一心唯契相應不俟更說

車字函
第七卷

雖然迷悟之本同 爭柰時節之有異

又云究之於心塵勞為菩提之妙用失之於

旨常樂作生滅之苦輪故知染淨非他得喪
在我似手反覆如人醉醒何者反亦是手覆
亦是手要且反時非覆時覆時非反時然俱
不離手醉亦是人醒亦是人要且醉時非醒
時醒時非醉時然不離醉有醒亦不即醉是
醒如迷亦是心悟亦是心要且迷時非悟時
悟時非迷時然迷悟非別即時節有異唯在
般若轉變臨時一體匪移千羌自別迷之枉

遭沈沒念念成凡悟之本自圓明心心證聖

肥字
第五卷

先修後悟功生滅 已悟方修用不虛

又云學人問本淨和尚云師還修行也無對
云我修行與汝別汝先修而後悟我先悟而
後修是以若先修而後悟斯則有功之功功
歸生滅若先悟而後修此乃無功之功功不
虛棄若具智眼之人豈得妄生叨濫况似明

目之者終不墮於溝坑古人云一生可辨豈

虛言哉

侈字函
第三卷

持誦品第五十三 二十八則

為何言教戒休者 祇恐牛皮遭覷破

宗鏡問若欲明宗只合純提祖意何用兼引
諸佛菩薩言教以為指南故宗門中云借蝦
為眼無自己分只成文字聖人不入祖位若
從上非是一向不許看教恐慮不詳佛語隨

文生解失於佛意以護初心或若因詮得旨
不作心境對治直見佛心又有何過只如藥
山和尚一生看涅槃經手不釋卷時有學人
問和尚尋常不許學人看教和尚為什麼自
看師云只為遮眼問學人還看得不師云汝
若看牛皮也須穿且如西天第一祖師是釋
迦牟尼佛首傳摩訶迦葉為初祖次第相傳
迄至此土六祖皆是佛弟子今引本師之語

訓示弟子令因言薦道見法知宗不外馳求
親明佛意得旨即入祖位誰論頓漸之門見
性現證圓通豈標前後之位若如是者何有
相違且如西天二十八祖此土六祖乃至馬
大師忠國師等並博通經論圓悟自心所有
示徒皆引誠證終不出自曾臆妄有指陳是
以綿歷歲華真風不墜以聖言爲定量邪僞
難移用至教爲指南依憑有據故圭峯云諸

宗始祖即是釋迦經是佛語禪是佛意諸佛
心口必不相違達磨過來以楞伽經印衆生
心楞伽云佛語心爲宗無門爲法門心爲宗
者即心即佛無門爲法門者達本性空性無
有相亦無有門時有禪客問曰阿那箇是佛
心師曰牆壁瓦礫無情之物並是佛心禪客
曰與經大相違也經云離牆壁瓦礫無情之
物各爲佛性今云一切無情之物皆是佛心

未審心之與性爲別不別師曰迷人即別悟
人不別禪客曰又與經相違也經云善男子
心非佛性佛性是常心是無常今云不別未
審此意如何師曰汝自依語不依義譬如寒
月結水爲冰及至煖時釋冰成水衆生迷時
結性成心悟時釋心成性汝定執無情之物
非心者經不應言三界唯心故華嚴經云應
觀法界性一劫唯心造今且問汝無情之物

爲在三界內爲在三界外爲復是心不是心
若非心者經不應言三界唯心若是心者又
不應言無情無佛性汝自違經我不違也

若欲研究佛乘披尋寶藏一一須消歸自己
言言使冥合真心但莫執義上之文隨語生
見直須探詮下之旨契會本宗則無師之智
現前天真之道不昧如華嚴經云知一劫法
即心自性成就慧身不由他悟故知教有助

道之力初心安可暫忘細詳法利無邊是乃

搜揚纂集

深字函
第一卷

詳夫看教應驗甚多山筆海墨書亦不
盡今且略引金剛華嚴二典數則庶使
未聞者聞

虛空寫處堪逃雨 屋宇俱焚不壞經

益州新繁縣王李村隋時有書生荀氏善王
書而不顯迹嘗於村東空中書金剛般若經

乃曰此經擬諸天讀誦人初不覺後經雷雨
書經之地殊無點濕可有文許村人恠之每
雨樵夫牧兒皆逃其中武德中異僧謂鄉人
曰此地空中有金剛經諸天於上設寶蓋覆
之不可輕犯自爾周回欄楯以防人畜履踐
每至齋日四遠階來就設佛供常聞天樂耳
唐吳郡陸懷素貞觀二十年失火屋宇並
滅經函乃至標軸亦盡唯金剛經字如故見

聞者莫不加額其異若此

無常大鬼難親近 力士金剛密護持

唐王阼因病斷葷血發心念金剛經日日五
遍後染瘴疾見羣鬼來阼即急念鬼聞皆退
遙曰王令追汝且止念經阼即為歇鬼得向
前阼乃昏迷欲絕又見一鬼來報念經人王
令權放既醒日夜持誦不息乃聞空中曰汝
以持經功德壽九十矣竟如其言 ○梁鍾

山開善寺沙門智藏有野姥工相人為記吉
凶百不失一謂藏曰命可三十一矣時年二
十有九聞斯促報竭誠修行探得金剛般若
畢生受持至所厄暮年香湯沐浴淨室誦經
以待死至空中告曰汝往年三十一者是報
至之期由般若力得延倍壽藏後出山遇前
相者乃大驚曰沙門誠不可相後壽六十有
五於是江左道俗競誦此經 唐魏恂為監

門衛大將軍精持金剛時京師有蔡策者暴
亡復蘇云初至冥司恠以追人不得將撻其
使者使云將軍魏恠持金剛經善神擁護追
之不得即別遣使再追須臾還報並同冥官
曰且罷追恠聞尤加精進

非特救夫淹巨浪 也能援子脫深蕃

宋衍江淮人為鹽鐵院書手月雇兩千適有
押綱者且不識字請衍同去通管簿書月給

八千衍謂妻曰我數月不得八千苟一月而
致極為利也妻楊氏甚賢勸不令往曰舟路
險惡身或驚危利亦何救衍不納而去殆至
其所果遇暴風羣船盡沒唯衍入水捫得粟
藁一束泛之達岸抱藁謝曰吾之微命爾所
賜也存歿不捨負帶而歸行數里宿一孤姥
鬻茶之店明旦解藁略曬於中得一竹筒開
之金剛經也姥曰汝妻自汝來後誠寫是經

蓬頭禮念故能救汝行感泣達家見妻媿謝
驚問何知詳告始末楊氏恠之衍曰經爲何
記曰寫時執筆者誤羅漢數字請禪和尚添
入以老目昏點劃過濃此十來日失不知所
開驗如說衍嗚咽拜妻轉加精勤禮誦遂遣
人致謝河濱之母詢問此處何嘗有人與店
乃神化也數歲相國鄭公綰爲東都留守召
衍并妻問於始末與其男武職事月給五千

因求其經至今爲鄭氏所尊奉故

唐永泰初豐州烽子因陷西蕃自此有功轉
近牙帳贊普子愛其了事遂令執纛因與酪
肉悲泣不食贊普問之云有老母頻夜夢見
贊普頗仁聞之悵然召帳中語曰蕃法嚴無
放還例我與汝馬力者二匹於某道縱汝歸
無言我也烽子得馬極騁俱乏死遂晝潛夜
走爲刺傷足倒於磧中忽風吹物窸窸過其

前輒收裹足覺不復痛試走如故到家見母
尚存悲且喜曰自汝一失我唯念金剛經以
祈相見今果其誓因以取經見斷數幅不曉
其由子言磧中傷足母令解看厥瘡已愈所
裹瘡紙正母所失之經殊聖乃爾

滅於佛法愆深重 存乎功德福非輕

隋開皇中太府寺丞趙文昌死而復活云有
人引至閻羅王所王問一生以來作何福業

荅云家貧無力可營功德唯持金剛般若王
聞合掌讚言善哉功德甚大即放還生使人
引至南門首見周武帝在門側房中三重紺
鑱喚昌云卿既還家為吾向隋皇帝說吾諸
罪並欲辯了唯滅佛法罪重未可得竟為營
功德得出地獄及出門外見大糞坑有人頭
髮上出問引人云此是秦將白起罪猶未了
昌歸得活遂奏其事勅天下為周武帝轉念

剛經設大供仍入隋史 ○唐開元中勅天下佛堂小者除拆功德移入大寺不信之徒望風除毀有豫州新息令李虛貪酒好殺行事違戾當時非惜佛屋但以醉中限嚴而怒故令界内存之雖存亦不為意歲餘病死復生云閻王未坐先見階前判官乃新息吏也吏曰長官平生唯以殺害為心不知罪福今當受報將如之何虛大懼請救之吏曰去歲

拆佛堂長官界內獨存此功彌天少頃引虛見王王索李明府善惡簿讀曰虛曾殺羊割肉王曰何割他肉虛荅有勅拆佛堂毀佛像獨虛界内存之可折罪不王曰是不吏覆福簿在天堂檢至讀之果有合折一生中罪延年三十仍生善道言畢罪簿出火燒之殆盡

令人送還遂蘇

以上九則金剛感應傳

既誦華嚴凡冠聖 因遺盟掌蟻生天

永徽年中太白山有兩僧名道祥慧悟祥持
涅槃悟授華嚴忽有居士作禮請一僧齋僧
云二人不知請誰居士云請華嚴師悟乃赴
請於是居士置悟於衣上坐令其冥目只聞
耳颼颼風聲少頃放地開目不知到處唯見
屋宇嚴麗延悟入堂禮佛纔畢忽五百僧翔
空而至悟遂下坐居士語曰此日齋意在師
一人雖五百羅漢臨時請耳師持華嚴是佛

境界何得於小聖下坐引悟坐於聖衆之上
齋罷居士令一童子送還童子請悟開口飛
入口中悟即騰身空中謂祥曰神仙請齋遂
獲神通今欲斲之金闕昇空而去 ○昔有
三藏梵僧至京時藏公猶爲童子頂禮三藏
請受菩薩戒衆謂三藏曰此童子誦得華嚴
兼解其義三藏驚歎曰華嚴一乘是諸秘藏
尚難遭逢况通其義若有人誦得淨行一品

已得菩薩淨戒俱足不復更受西域傳記有
人轉華嚴經以洗手水滴一蟻子命終生天
而况人能受持通義此子後必廣大饒益衆
生

積功可救眉鬚厄 一偈能停地獄酸

天授二年魯州牧宰迎請藏公講釋華嚴因
論邪正時有小道士在側歸觀云講師誅毀
道尊觀主甚怒領衆來至講所面與愠色口

發麈言謂藏公曰但自講經何故論道門事
藏曰貧道自講華嚴無他論毀觀主問曰一
切諸法悉皆平等耶藏曰諸法亦平等亦不
平等觀主又問何法平等何法不平等答曰
一切法不出二種一者真諦二者俗諦若約
真諦無此無彼無自無他非淨非穢一切皆
離故平等也若約俗諦有善有惡有尊有卑
有邪有正豈得平等道士詞窮無對猶瞋不

解於如來所生毒害言歸去經宿明朝洗面
眉髮俱落通身瘡疱方生悔心歸敬三寶求
哀藏公誓願受持華嚴經一百遍猶有十遍
未畢忽感眉髮重生身瘡頓愈 昔京師郭
神亮死去七日復還云使者追至平等王所
問罪福已送入地獄見一僧云我今救汝地
獄之苦教誦一偈 若人欲了知三世一劫
佛應當如是觀心造諸如來 神亮志心乃

誦此偈數遍神亮及同受罪者數十萬人皆
得離苦不入地獄當知此偈能破地獄是時
藏法師云出在華嚴經十行品塵律師歎曰
纔聞一偈脫千萬人苦况受持全部講通深
義耶

威靈可以降天敵 俗眼那能辨聖凡
聖曆中有沙彌名彌伽雖未受具身意清淨
專誦華嚴一日帝釋遣使迎請伽曰未審天

帝何緣見命使曰帝與修羅時戰欲求法力
加被縱有羅漢未辨斯事唯見法師專持華
嚴可爲人天福田所以見迎耳於是受請閉
目俄頃便至天宮延請入殿誦華嚴經坐于
寶臺乘空而行向其敵所修羅軍衆觀此威
靈怖竄藕孔之中帝喜迎師還宮供養施以
七珍異寶又白師言若須長生之藥當以奉
上師曰割愛出家求無上道世間珍異及長

生事非所志焉帝釋禮謝曰成菩提時願相
救度遣使送還 上元中洛州敬愛寺有律
僧歸覲及鄭州界迫暮投店次有僧至不知
其名並房安泊其後來僧謂主人曰貧道疲
餒酒酤三升肉買一介飲噉迨盡律師怒而
訶之身披法服恣噉酒肉不知慙愧其僧默
而不荅少頃索水嗽口端身趺坐緩發梵音
誦大方廣佛華嚴經入如是我聞至寂滅道

場其僧口角兩邊俱發光明透射房舍洎至
三更猶聞誦經聲聲不絕光明轉熾誦至六
帙即歇收光其僧乃臥天明律師涕泣懺過
輕謗聖賢願罪消滅

以上六則出
華嚴感應傳

誦持無驗為如何 種植有虧安可得

妙譬所問經云行人持誦不獲成就者譬如
種子因地因時風雨不愆溉潤無失乃可生
芽以至成熟或種子不以其時不植於地使

彼芽莖無由得生何況枝葉及果實耶持誦
行人若不依法又不清淨於諸供養曾無虔
潔於其所誦真言文字或有闕剩至於呼吸
訛略不正是以悉地而不現前不獲成就亦
復如是

八字函
第二卷

因甚言教益非益 良為眾生勤不勤

華嚴經云文殊師利問勤首菩薩言佛教是
一眾生得見云何不即悉斷諸煩惱縛而得

出離或有利益或無利益勤首以偈答曰
若欲求除滅無量諸過惡當於佛法中勇猛
常精進如鑽燧求火未出而數息火勢隨止
滅懈怠者亦然 復問法首菩薩言如佛所
說若有衆生受持正法能斷煩惱何故受持
而不斷者法首頌答 如人水所漂懼溺而
渴死於法不修行多聞亦如是如人數他寶
自無半錢分於法不修行多聞亦如是

平字
函第

卷三

佛法豈非無果證 善根成熟在他生

智度論問若佛法得今世果何故諸佛弟子
有無得者答曰行者能如佛所說次第修行
無不得報如疾病人隨良醫教將和治法病
無不羸若不隨佛教不次第行破戒亂心故
無所得非法不良也復次諸未得道今世雖
不得涅槃後世得受福樂若速若遲當得涅

槃終不虛也

建字函
第二卷

法不受人忘記報 業消誦誓頓明心

佛說處處經云朱利槃特學道經二十四年
得五言解何以故宿見五百佛悉通衆典閑
藏經道不肯教人後病二十四日臨死乃悔
呼人教之有是一福故知五言何況具足教
人得福不可計無字函
第四卷 又阿含經云佛弟
子朱利槃特世尊使執掃誓汝誦此字是時

槃特若誦得掃便忘於誓若誦得誓復忘於
掃誦經數日以此掃誓復名除垢槃特作念
何者是除何者是垢垢者灰土瓦石也除者
清淨也世尊以此教我我今思惟此義我身
亦有塵垢我自作喻縛結是垢智慧是除我
今可以智慧之誓掃此結縛得解脫智生死

已盡梵行已立證阿羅漢

斯字函
第一卷

慙愧螺蚌尚知經 可憫最靈蹉過佛

真歇禪師跋金剛經驗云昔王待制船自漢江為風浪擊作危急之甚遂將平昔所誦金剛經投於水中而風息浪靜後至鎮江見舟尾百步外似有一物出入無時使漁者取之即無數螺螄圍成一毬剖之外濕而內乾視中廼昨所設金剛經毫髮無所損嘆曰且漢水會于九江至南徐動數千里窮古逮今舟船往來不可數計然未聞有持是經自彼而

至此者螺螄一見而不捨其為名耶利耶財耶色耶將必求於脫輪回生死也嗚呼萬物之中唯人是靈其有畢生不聞是經有聞而不見見而不信信而為名利財色蕩沒不能受持者尚螺螄之不如謂之最靈者孰與之哉 懈怠耕者經云有一耕人見佛行過心中雖喜不去禮佛乃云田耕未竟種又未下若要見佛須待閑暇佛難值遇懈怠如此已

過六佛不得度者此即非今世也

自釋迦至彌勒方見

二佛蹉過六佛不知幾多劫甚字函

當知經書即赦書 可免鐵圓并鐵棒

佛日禪師普說云有任觀察傾心釋氏遍參知識每嘆曰余幸得為人其形體不全及不遇休日歸私家絕人事炷香禮佛刺血寫華嚴經一部每一字禮三拜願來生識所生父

母忽一日有客相訪任出蓬客怒曰人來相訪何懈怠如此任笑曰在家中寫一卷赦書客詢其故乃露誠山經示之曰此闍老子面前吞鐵丸喫鐵棒底赦書客聞其語扣頭回舍亦如任寫經

迷誦千章何所益 洞明一句乃成功

出曜經偈云 雖誦千章不義何益寧解一

句聞可得道

殿字函第五卷

問曰你如是說有看

經而不曉理者徒勞何益荅曰看經豈是無
益第恐隨行數黑只貪遍數爲功不窮其義
義既不窮安得成道問曰吾佛談玄說妙衆
生根有利鈍終竟不能窮其義者又作麼生
荅曰義雖未明其誠若至足可扶危益筭亦
爲入道之初如今生根鈍不明理趣者蓋於
前前生中教典未嘗入手夙既不覽今曷強
明但且隨分看去下箇最初種子乃爲後世

苗裔次第結果成佛有分豈不見善財龍女
古今知識才出頭來一聞千悟蓋已致力於
多生豈此一旦頓能成辨爾

寶閣無燈曷得知 佛法雖慧莫能了

華嚴經偈云 譬如閻中寶無燈不可見佛

法無人說雖慧莫能了

平字函
第六卷

古者爲法喪形軀 今人何幸現公按

宗鏡云仰思曠古求法之人釋迦文等投身

大火翹足深林斫骨剗身剥皮刺血乃至常
啼東請善財南求藥王燒手普明剗頭皆是
知恩報德之人爲法亡軀之士今勸後學生
殷重心勿得自輕虛擲光景車字函
第四卷
又云圓宗罕遇若芥子投於針鋒正法難聞
猶盲龜值於木孔若非夙熏乘種久積善根
焉偶斯文親得傳受所以古人重教輕財則
輸金若市或亡身爲法則立雪幽庭且金是

身外之浮財豈齊至教命是一期之業報曷

等真詮

富字函
第六卷

利之至險尚可求 道旣在心何難得

又舉管子云利之所在雖在千仞之山無所
不上深源之下無所不入商人通賈倍道兼
行夜以續日千里不遠利在前也漁人入海
海水百仞衝波迸流宿夜不出利在水也此
乃世閒勤苦求利之志耳如或堅求志道曉

夕忘疲不向外求虛襟澄慮密室靜坐端拱
寧神利在心也如利之所在求無不獲况道
之在心信無不得矣故知訓格之言不得暫
捨可以鏤於骨書於紳染于神熏于識所以
楚莊輕千乘之國而重申叔一言范獻賤萬
畝之田以貴舟人片說此乃成家立國尚輕
珍重言况宗鏡中言下契無生聞之成大道
寧容輕慢乎同上

雖然流出大藏教 爭奈元無一字談
楞伽經云大慧白佛如世尊說我於某夜成
最正覺乃至某夜當入涅槃於其中間不說
一字亦不已說亦不當說不說是佛說世尊
依何密意作如是語佛言大慧依二密法故
作如是說云何二法謂自證法及本住法云
何自證法謂諸佛所證我亦同證不增不減
證智所行離言說相離分別相離名字相云

何本任法謂法本性如金在鑛若佛出世若
不出世法住法位法界法性皆悉常住大慧
譬如有人行曠野中見向古城平坦舊道即
便隨入止息遊戲大慧於汝意云何彼作是
道及以城中種種物耶白言不也佛言大慧
我及諸佛所證真如常住法性亦復如是是
故說言始從成佛乃至涅槃於其中間不說
一字重說頌言 某夜成正覺某夜般涅槃

於此二中間我都無所說自證本性法故作
是密語我及諸如來無有少差別

四字函
第四卷

唐梵品第五十四 六十六則

南無佛陀并菩薩 乃至聲聞八部天

南無

此云歸命信順故約法以南為離離中
虛無即明也表心達無之理即心

智明故

佛

此云覺

婆伽婆

亦名薄伽梵此云
成就衆德皆佛之

異稱出

釋迦牟尼

釋迦此云能也牟尼此云
寂嘿即心躰本寂并字音

彌勒

此云慈氏即
真慈應物

阿彌陀

此云無量壽即真
如性無盡故已上

二出富 **菩提薩埵** 薩埵秦言衆生以求菩提
字函 未得故名爲菩提薩埵此

方好略即名 **摩訶薩** 摩訶此云大即大
菩薩形字函 菩薩也丘字函 須陀

洎 此云預流預聖之流更七 **斯陀含** 此云一
生天上人中得盡苦際 來謂一

往天上一來人 **阿那含** 此云不還只此
間便取寂滅 **阿羅** 度不復更還 **阿羅**

漢 有四義一者殺賊二者遠惡三者應供四
者不生愆言殺煩惱賊遠離諸惡堪應供

養更不受 **健達縛** 亦云乾闥婆此
三界生也 音樂神也 **阿素洛** 亦

阿須倫此 **揭路茶** 亦云迦樓羅
云阿修羅 **緊捺洛** 亦云

羅乃歌神頭作馬 **牟呼洛** 亦云摩睺羅伽
頭亦言是人非人 此云腹行蟒神 **藥**

又 又云閱又此云夜 **苾芻** 香草具五德比
又已上十弁字音 出家人口字音 **僧**

伽 此云衆今略稱僧 **優婆塞** 亦云鄔波索迦
以和合故出要覽 此云近事男優

婆夷亦云烏波斯迦 此云近事女謂在 **補特**
俗新近三寶盡壽持五戒也日字音

伽羅 此云數取趣謂數數 **摩訶婆** 此云年少
往來生死真字音 淨行翔字

音 **達絮** 此云微信 **蕤隸車** 此云全不信人
闍 已上二巨字音 **闍**

提 此云無善 **旃荼羅** 此云執惡屠殺
心火字音 之者麗字音 **補羯婆**

擔糞弃死尸之 **刹利種** 此云守田王此
賤類水字音 方國王之無 **婆羅**

門種 亦云梵志遠離 **居士種** 在家
惡法入山求道 修業 **首陀羅種**

伎藝生活已上四種混池
初時惣分四姓履字函

經具因緣十二分 修證菩提多種門

修多羅

亦云素恒纜
此云契經

祇夜

此云重頌

弊迦蘭那

此云

受伽阼

此云重頌

優阼那

此云問自說

尼阼那

此云因緣

阿波阼那

此云譬喻

伊帝目多伽

此云本事

闍阼伽

此云

本毘佛略

此云廣大乘

阿浮阼達磨

此云勝法

擾波提

舍

此云分別廣說已上
十二參殷一兩函

阿毘曇

此云無比
法仙字音

摩

訶衍

此云摩訶此云乘也
此云大也

檀波羅密多

此云施
也有信

有財有福三事和合破慳能捨是名檀也波
羅密此云彼岸也多此云到也惣言施能到

彼岸尸羅 此云清淨戒亦云毘尼此云調伏
謂調三業不造惡故亦名波羅提

木又此云 此云安忍 毘梨耶 此云精進 禪那

靜慮般若 此云慧已上 阼羅尼門 此云惣持
門冬字音

楞嚴定考字音 三昧 或云三摩提或云三摩
地此云正定謂任緣一

境離諸邪亂也亦云等持等者正也 奢摩他

亦云寂靜 三摩跋提 此云定 毘婆舍那 此云種
種觀察

已上三 三摩鉢提 此云從幻起 瑜伽 此云相
應謂一

切乘境行果皆與
心相應李字音
阿蘭那行此云無諍杜多

治行并貪夜字音
那羅延此云堅固阿鞞跋

致此云不退薩婆下世者反此云阿耨多

羅三藐三菩提釋多羅此云上也三藐

正也三遍也等也菩提覺也
總言無上正等覺故并字音

涅槃建塔附雜緣 地里時分諸數量

般涅槃具云般利涅槃那謂般利普也究竟

竟出支諸煩惱故并字音又茶毘亦云闍維

賓字 設利羅此云舍利宰堵波上蘇沒反亦

塔臨 支提此云可供養處亦云靈廟制多

此云可供 僧伽藍此云眾園精舍息心所棲

音 娑婆此云忍震旦國或云支那或云真丹此

所思慮多所討作 因陀羅此云帝已上琰摩

或云閻羅此云雙也捺洛迦捺洛此云人迦

謂苦樂並受草字函 薛荔此云餓鬼

彼故亦云涅槃此云無喜樂阿賴耶此云根本意羯邏藍此云和合謂和

識考字函

合精血受胎七

日亦名歌羅邏亦名薩迦耶見此云身見謂

頌淨施參有草二音波羅夷罪上云弁諸善法永

執為我或為我波羅夷罪無懺悔其餘輕重

所故盡字函波羅夷罪謂請前人忍受我悔

非名寔吉羅等義懺悔謂請前人忍受我悔

並見本集持戒品懺悔謂請前人忍受我悔

罪也弁布薩此云我對說謂相羯磨此云作

字音曼陀羅花此云雜瞻蔔花此云黃優鉢

音納字曼陀羅花此云雜瞻蔔花此云黃優鉢

羅花此云黛拘物頭花此云地喜華已摩

尼寶此云離垢鉢和羅飯此云自恣藥石古

以石為針今人以鐵合口鼻中出歌羅分

皆謂療病也陛字音叫聲呼萬字音歌羅分

此云析一毛為百分之一分也弁字音一肘二尺

或云十六分中之一分也弁字音一肘二尺

音一仞高七尺踰繕那亦云由旬此方牟呼

栗多此云須臾頃三十牟洛叉此云俱胝下

遲反此那庾多此云那由他此云京已上垓

云億那庾多此云那由他此云京已上垓


劫十億曰兆十兆曰京十京無鞅無盡之數

阿僧祇同此云無僧祇此云數合言無數

波頭摩花此云赤芬陀利花此云白蘇末那

花此云黃白色花

大藏一覽集卷第九



書
一
九